

ԱՐԾՐՈՒՆԵՆԵՐԻ ՄԱՍՆԱԿՑՈՒԹՅՈՒՆԸ ՎԱՐԴԱՆԱՆՑ ՊԱՏԵՐԱԶՄԻՆ

Վ. Մ. ՎԱՐԴԱՆՅԱՆ

Կ. Կեսերին Հայաստանը ապրում էր քաղաքական բարդ իրավիճակի Թեև վերացել էր Հայոց թագավորությունը, երկիրը պաշպանում էր ներքին ինքնավարությունը (նախարարությունները, գործակալական կարգը և եկեղեցին), մի հանգամանք, որը հակասում էր Բյուզանդիայի հետ արյունոտ մըրցակցության մեջ մտած Սասանյանների ռմի թագավորություն, մի հավատք սկզբունքին: Հռոմեական կայսրությունը ևս բազմիցս փորձեր էր արել հռոմեականացնելու Հայաստանը, սակայն նրա բոլոր ջանքերն ամուլ էին մնացել: Հռոմեական կայսրությանը, ինչպես նկատել է Հ. Մարկվարտը, արևելքում հայերը կարողացան դիմակայել և զերծ մնալ ձուլումից¹: Տակավին Մաքսիմիանոս Դայա կայսեր օրոք (305—313) Հռոմը փորձեց հավատափոխանել Հռոմեական Հայաստանի հայերին, բայց զինված հակահարված ստացավ նրանցից²:

Հեթանոսական շրջանում Հայաստանն ուներ զարգացած քաղաքակրթություն, որը մոտիկ էր պարսից մշակույթին, բայց քրիստոնեությունը հայերին վանեց իրենց վաղեմի հարեաններից, մոտեցնելով արևմուտքին: Սասանյանները բռնի ջանքերով կամենում էին Հայաստանում արմատախիլ անել քրիստոնեությունը՝ հայերին իրենց կողմը գրավելու միտումով³: Այս ուղղությամբ Շապուհ Բ-ի (310—379) կատարած քայլերին օժանդակում էին Արծրունիները: Հայաստանում հազիվ կեսդարյա բովով անցած քրիստոնեությունը չէր կարող ի մի ձուլել Հայաստանի քաղաքական ուժերը: Այլ էր վիճակը մեկ դար հետո, երբ պետականությունը կորցրած Հայաստանը տիրողներին դիմակայելու այլ միջոց չուներ, բացի նախարարական կարգից, մշակույթից և կրոնից:

450—451 թթ. հայերի մղած ժողովրդա-ազատագրական պատերազմը հօգս ցնդեցրեց Սասանյանների համաձուլարար նկրտումները: Այդ ուստերազմին Մամիկոնյաններից հետո ամենից գործուն մասնակցությունն ունեցան Արծրունիները, ապա Կամսարականները: Շարժմանը Արծրունիների հարեւն ունի իր պատճառները: Այս տոհմի գործիչները հուսալսարվել էին պարսիկներին համագործակցելուց, ինչին զոհ գնաց նրանց տոհմական արժանապատվությունը: Մերոսմանի հայրենազավ գործելակերպը սև հետք թողեց Արծրունիների հեղինակության վրա: Մյուս կողմից, Հայաստանում գնալով ավելի խոր արմատներ էր գցում քրիստոնեությունը: Հայոց սկտականության

¹ J. Markwart, Die Entstehung. und Wiederherstellung der armenischen Nation, Berlin, s. 1919, 3.

² Եվսերիոս Կեսարացի, Պատմութիւն Եկեղեցւոյ, Վենետիկ, 1877, էջ 688—689: Հմմտ. Հ. Մանսդյան, Քննական տեսություն հայ ժողովրդի պատմության, հ. Բ, մասն Ա, Երևան, 1957, էջ 125—126:

³ Հմմտ. Ղազար Փարպեցի, Պատմութիւն հայոց, Թիֆլիս, 1907, էջ 87—88:

կորստի պայմաններում Արժրունիները ևս կառչեցին հայրենի ավանդույթներին: Արժրունիների վրա ազդեց նաև այն հանգամանքը, որ նրանք խնամիական կապեր ունեին Մամիկոնյանների և Դուրյանց Աշուղա բզեչխի հետ: Որը ևս մասնակցեց շարժմանը, Բացի այդ, Արժրունիները ժամանակ, հայ հոյակապությունների մեջ ունեին ականավոր ներկայացուցիչներ (Աղան, Մուշե), որոնց վրա կարող էր ազդել նաև դատավարական իշխանությունից զրկված Հովսեփի կաթողիկոսը: Կարևոր նշանակություն ունեւր նաև շարժմանը դեմ պնացող Սյունյաց և Բագրատունյաց տների հետ ունեցած մրցակցությունը: Հայանի է, որ մարդպանության շրջանում գահնամակում երրորդ տեղը բռնող (Սյունյաց և Բագրատունյաց տոհմերից հետո) Արժրունիներին պարսիկները ոչ մի կարևոր պաշտոն չվստահեցին, մինչդեռ Վասակ Սյունուն շնորհեցին Հայոց մարդպանի պաշտոնը: Բեև դա զուտ անձնական և ոչ թե տոհմային ատանձնաշնորհում էր, բայց խոցում էր Արժրունիներին: V դ. Արժրունյաց տոհմն ուներ երկու հյուղ, որոնք միասնաբար էին հանդես գալիս ազատաիրական պայքարում:

Մարդպանության պայմաններում Արժրունյաց տոհմը ևս մյուս նախարարությունների պես պահպանեց ներքին լայն իրավունքներ, ինքնուրույնություն: Պարսից ձուլումը ոչինչ չվ բան չէր խոստանում նրանց: Ուստի նրանց մոտ ևս Հագկերու Բ-ի հավատափոխության մասին արած առաջարկը բացասական արձագանք գտավ: Արտաշատի ժողովին մասնակցող 18 նախարարների մեջ էր նաև Արժրունյաց նախարարը՝ Ներշապուհ Արժրունին: Նույն ժողովի մասնակից 18 հոգեւորականների մեջ էր նաև Արժրունյաց Մուշե եպիսկոպոսը: Այս ժողովին, Ղազար Փարսեցու վկայությամբ մասնակցում էր նաև Արժրունի հոյակապական Աղանը⁴, Թև Փարսեցին և Թե՛ Ծղիշեն նախարարների մեջ երկրորդ տեղում (Վասակ Սյունուց հետո) հիշում են Ներշապուհ Արժրունուն:

Արտաշատի ժողովից հետո երկրում ծավալված իրադարձություններում ևս Արժրունիները գործուն մասնակցություն ունեցան: Հագկերու Բ-ի կողմից Տիգրոն կանչված տասը նախարարների մեջ էր նաև Ներշապուհ Արժրունին: Հայաստան վերադառնալուց հետո Վարդան Մամիկոնյանը, չկարողանալով տանել կեղծ ուրացության բեռը, դիմում է բյուզանդական կողմը: Վասակը որդես մարդպան, պատուխան պիտի տար նրա հեռանալու համար, ուստի նախարարների ու հոգեւորականների (այդ թվում և Արժրունիների) գիտությանը և կամակցությանը նամակներ ուղարկեց Վարդանին, որն անսալով նախարարների ու հոգեւորականության ձայնին, ետ վերադարձավ: Արժրունիներն անշուշտ մասնակցում էին նաև Վասակից գաղտնի Վարդանի գումարած խորհրդակցությանը, որի նպատակն էր ապստամբության նախապատրաստումը: Այդ խորհրդակցության որոշումների մասին ի վերջո Վարդանն իրապես է գործնում նաև Վասակին: Փարսեցու վկայությամբ, Վասակը համաձայն չէր ապստամբներին և ակամայից միայն միաբանվեց նրանց հետ: Ծղիշեն և Փարսեցին պնդում են, թե ապստամբությանը Վասակը հարեց, որպիսի դառնա Հայոց թագավոր: Նույն կարծիքին են որոշ ուսումնասիրող-

⁴ Նույն աղբյուր, էջ 92:

⁵ Նույն աղբյուր, էջ 129:

ներ: Վասակը թերևս նույնպես համոզված էր, որ Սասանյաններն անարդարացի քաղաքականություն են վարում Հայաստանի նկատմամբ, ուստի անբնական չէ ապստամբներին նրա հարելը: Բայց նա, ինչպես և նախարարները մեծամասնությունը, համոզված էր, որ հայերը մեն-մենսկ ի գորու չեն լինի հակահարված տալու հզոր Պարսկաստանին: Ուստի նախարարները և Վասակը պատգամավորություն են հղում բյուզանդական կայսեր, Աղծնյաց բղձախի, Անգեղ տան, Մոփբի, Հաշտյանքի, Եկեղյաց գավառի իշխանների և Անտիոքի գորապետի մոտ: Ըստ Փարպեցու, պատգամավորության մեջ են մտել Վահան Ամատունին, Հմայակ Մամիկոնյանը և Արծրունյաց նախարար Մեհրուժանը, իսկ ըստ Եղիշեի՝ միայն Ատոմ Գնունին: Եղիշեն բերում է նաև նամակի բովանդակությունը: Հայ նախարարները, դիմելով կայսրությանը, նպատակ ունենին զսպել պարսիկներին, բայց պարսիկներից 459 թ. պարտություն կրած Բյուզանդիան, որին արևմուտքում սպառնում էին հոները, ի վիճակի չէր օգնություն ցույց տալ հայերին:

Դեսպանության կազմի Վասակի կատարած ընտրությունը պատահական չէր: Հայոց հազարապետությունից Վասակ Սյունեցու հավանությամբ ազատված Վահան Ամատունուն, այլև հայ իշխանների մեջ լայն հեղինակություն վայելող Մեհրուժան Արծրունուն և Հմայակ Մամիկոնյանին Բյուզանդիա ուղարկելը հետամտում էր ոչ միայն նրանց մեկուսացնելու, այլև այդ տոհմերին ապստամբության հաջող ելքի նկատմամբ տարհամոզելու նպատակներ (մասնավորապես իրենց դեսպանները վերադառնալիս ձեռնունայն): Սրան զուգահեռ Վասակը հայոց զորքը բաժանեց երեք մասի. մի մասը ներշնչված Արծրունու («Խմբոսան») գլխավորությամբ ուղարկվեց Ատրպատական, մյուսը՝ Վարդանի առաջնորդությամբ մեկնեց Աղվանք, երրորդ զորաբաժինը մնաց Վասակի իրավասության տակ: Հավանաբար, վերջինիս կանխագիտությամբ էր, որ պարսից զորքն առաջին հերթին արշավեց ոչ թե Հայաստան, այլ Աղվանք, որտեղ պարսիկների ղեմ հայոց ալիուձիի մարտնչելը նրանց կհուշեր հայերի, վրացիների և աղվանների միասնության մասին, թեև դրանով հայ նախարարները ժամանակ կշահեին, մինչև որ կգտնեին կողմնորոշման ավելի իրատես ուղին:

Դեսպանության ելքի մասին Եղիշեի և Փարպեցու տվյալներն իրարամերժ են: Ըստ Փարպեցու, պատգամավորները չվերագրածան և չմասնակցեցին Ավարայրի ճակատամարտին, մինչդեռ Եղիշեն գտնում է, որ հայերը տակավին Ավարայրի ճակատամարտից առաջ տեղեկացան պատգամավորության ան-

6 Մ. Փորթուգալ, Եղիշեի վարդապետի վասն Վարդանյան և Հայոց պատերազմին, Վենետիկ, 1903, էջ 55, Բ. Կյուլեսերյան, Եղիշե, քննական ուսումնասիրություն, Վիեննա, 1909, էջ 277—280, Ա. Գ. Հոփհանեսյան, Դիվաններ հայ ազաազրական մարի պատմության, հ. 1, Երևան, 1957, էջ 97 և այլն:

7 ԲԼ՝ Եղիշեն, և ԲԼ՝ Փարպեցին ոչինչ չեն հաղորդում հետադառնում այս զորաշուկոտի խաղացած զորի մասին: 451 թ. ապրիլին, երբ պարսից զորքը խուժում է Հայաստանի Հեր և Զարեանդ գավառները, նրանց ղեմ է ելնում այլ զորաշուկատ. Ամատունյաց տոհմից Ատունձար, սեպուհը 2000-անոց զորադնդով ուղարկվում է պարսիկների ղեմ և ջարդելով ու ցրելով նրանց առաջապահ զորամասը, վերադառնում է հայոց զորքի ճամբարը (Եղիշե, Վասն Վարդանյան և Հայոց պատերազմին, աշխատ. Ե. Տեր-Մխնասյան, Երևան, 1957, էջ 105—106):

հաջող վախճանի մասին Այս հարցում նշիշեն ավելի է արժանահավատ՝ Փարպեցու և Նղիշի հաղորդումներից երևում է, որ պատգամավորությունը, անհաջողության հանդիպելով կայսրության արքունիքում, Բյուզանդական Հայաստանից հավաքում է օժանդակ ուժեր և անցնում Խաղտիքի սահմանագլուխը՝ Պարխար լեռներ և ամրանալով այնտեղ, սպասում դեպքերի զարգացմանը։ Պարսից արքունիքը (հավանաբար Բյուզանդիայի միջոցով) իրազեկ է դառնում այս մասին և զորք է ուղարկում նրանց դեմ։ Պարսից զորքը հարձակվում է Պարխարում ամրացած հայոց զնդի վրա։ Մարտի ժամանակ սպանվում է Հմայակ Մամիկոնյանը, որից հայոց զորաշեկատը հուսաբեկվում է⁹։

Այս անցքերը Փարպեցին դնում է Ավարայրի ճակատամարտից հետո։ Սակայն սկսած է կարծել, որ դրանք տեղի են ունեցել մինչև Ավարայրի մարտը։ Անրնական կյիներ օղնական ուժ բերելու համար Բյուզանդիա մեկնած պատգամավորության կողմից հայերին վճռական պահին օժանդակելուց խույս տալը և այն էլ Մամիկոնյան, Ամատունի և Արծրունի իշխանների կողմից։ Պարսիկների հետ առաջին ընդհարումից և Հմայակի զոհվելուց հետո հայոց այս դուռը Պարխար լեռներից քշաթիվ ուժերով շտապում է Այրարատ և միանալով Վարդանանց, մասնակցում Ավարայրի ճակատամարտին։ Ուստի, ըստ Նղիշի, Ատոմ Դնունին և Վահան Ամատունին մասնակցում են Ավարայրի մարտին¹⁰։

Հենց դեպքանության արդյունքների, այլև հայերի հանդեպ պարսից արքունիքի վերակողմնորոշման մասին իրազեկ դառնալու հետևանքով էր, որ Վասակը վճռասպես դեմ գնաց պատամարտությանը, իրեն հարած նւ խարարնեւրի, հողեորականների միջոցով կրկրում ծավալելով հակապատամբական շարժում, որի ընթացքում, ցուցադրելով հայերի հավատափոխության առաջարկը կտ վերցնելու մասին պարսից դռան նոր հրովարտակները, Վասակը հավաստիացնում էր, թե ձեւ լինի միջնորդ այսմ ամենայնի և անվնաս պահեմ զաշխարհս հայոց»¹¹։ Բայց Վարդանանք չանսացին Վասակի և նրա հետևորդների հորդորներին և ազդեցիկ մի քանի հոգեորականների քարոզով ուղղի կլան, պարսիկներին դիմագրավելու համար։

Արծրունիները Վարդանանց կողմն էին։ Ուշագրավ է, որ Թովմա Արծրունու և Հովհաննես Դրասխանակերտցու մոտ թե՛ Փարպեցուց և թե՛ Նղիշից տարրեր ավյալներ կան այս մասին։ Այսպես, ըստ Թովմա Արծրունու, Վարդանանց շարժման նախօրյակին Ադան Արծրունու հայրը՝ Շավասպ Արծրունին, Հայաստանին տիրելու ջանադրությամբ մեկնում է Պերոզ արքայի մոտ և հանձն է առնում հարելու զրադաշտական կրոնին, միայն թե տիրանա հայոց գահին։ Պարսից արքան, Շավասպին վստահելով հայերի հավատափոխության դործը, Վնդո մոգակտի հետ նրան ուղարկում է Հայաստան, որտեղ Շավասպի հրամանով քանդում են հայոց եկեղեցիները և հիմնում ատրուշաններ։ Նրբ Արտաշատում կառուցվում է ատրուշան, հայ նախարարները այդ մասին տեղեկացնում են Մոկքի Զուայլ ամրոցում ապաստանած Վարդան Մամիկոն-

⁸ Հմմտ. II. Адоиц, Марзбан Васак перед судом историков, СПб, 1904, стр. 0126.

⁹ Ղ ա ղ ա Ր Փ ա Ր պ ե Յ ի, էջ 158—159։

¹⁰ Ն ղ ի շ ի, էջ 99։

¹¹ Ղ ա ղ ա Ր Փ ա Ր պ ե Յ ի, էջ 144։

յանին: Վերջինս լսածին հաղորդակից է դարձնում Տաճատ Ռչտունուն և Վահ-
րիճ Անձևացուն, որոնք իրենց զորագնդերով փութապես գալով Վարդանի մոտ,
նրա դորմամբ 1200 հոգուց բաղկացած զորքով անցնում են Այրարատ և հան-
կարծակի հարձակվելով Վնդոյի ու Շավասպի բանակի վրա, հաղթում են նը-
րանց: Վարդանն իր ձեռքով սպանում է Շավասպին¹²: Բայց Թովմա Արծրու-
նին, ինչպես պետք էր սպասել, իր տոհմի արժանապատվությունը բարձր պա-
հելու միտումով՝ ի զուգակշիռ Վարդան Մամիկոնյանի, Շավասպի կողքին բե-
րում է հայրենանվեր Վահան Արծրունուն, որին, իբր երկիրը խաղաղեցնելուց
հետո, հայ նախարարները մտադիր էին բազմեցնել հայոց գահին, բայց հա-
մաձայնության չգալով, ի վերջո որոշում են թագավորեցնել Վարդան Մամի-
կոնյանին: Վահան Արծրունին հնազանդվում է նախարարների որոշմանը և
Վարդանի գլխավորությամբ, նրա հետ կողք-կողքի մարտնչելով՝ նահատակ-
վում¹³: Վահան Արծրունու մասին, բացի Թովմա Արծրունուց, ոչ ոք տեղեկու-
թյուն չի տալիս: Որտեղից է պատմիչը քաղել իր տվյալները: Թովմա Արծրու-
նին գրում է, որ օգտվել է իրենից առաջ ապրած հեղինակներից (Աբրահամ
Խոստովանող և ուրիշներ): և որ իբր Եղիշեն նախապես իր երկում գրած ունե-
ցել է Վահան Արծրունու մասին: Բայց Հայաստանում նկատորականություն բա-
րոզող Բարծումա նպիսկոպոսը (435—489), որ հալածվում էր հայ նախարար-
ներից¹⁴ և հատկապես Ներշապուհ Արծրունուց, համակվում է վրեժով և Մոկբում
գտնվող Եղիշեն պատմիչից վերցնում է նրա երկասիրությունն ու միջից դուրս
գցում Արծրունիների, մասնավորաբար Վահանի մասին եղածը: Եղիշեի վերա-
հաս մահը, ըստ Թովմա Արծրունու, հնարավորություն չի տալիս վերականգնե-
լու նրա պատմության խարդախված մասերը: Հետադոտողների ճշդ ոչ մեծա-
մասնությունը գտնում է, որ Վահան Արծրունին հնարածո անուն է¹⁵: Իրոք, եթե
Վահան Արծրունին պատմական անձնավորություն լիներ, պատմիչները չէին
կարող նման նշանավոր անձնավորության հիշատակել: Ընդունենք, թե Եղի-
շեի երկից Բարծուման դուրս է գցել Վահանի մասին հատվածը: Բայց ինչո՞ւ
Փարպեցին ոչ մի տեղ չի հիշատակում Վահանին: Բարծուման կարող էր ոչնչ-
ւացնել Եղիշեի ողջ երկը և ոչ թե միայն Արծրունիներին վերաբերող մասերը
(թեև իրականում Եղիշեի մոտ բավականաչափ տվյալներ կան Արծրունիների
մասին): Ըստ Թովմայի, Բարծումային հալածում էր ոչ թե Վահան Արծրունին,
այլ Ներշապուհ Արծրունին, բայց վերջինիս Եղիշեն հիշատակում է հինգ ան-
գամ և այն էլ զրականապես: Կասկածելի է նաև, որ Եղիշեն իր պատմությունը
վստահելի պարսից հովանավորությունը վայելող Բարծումային, առանց այն
առաջին հերթին իր պատվիրատուին՝ Դավիթ Մամիկոնյան երեցին ուղարկելու:

¹² Թովմա Արծրունի, Պատմութիւն տանն Արծրունեաց, Թիֆլիս, 1917, էջ 135—137, 201: Կան նաև Դրասխանակերտցի, Պատմութիւն հայոց, Թիֆլիս, 1912, էջ 59—60:

¹³ Նույն տեղում, էջ 138—146:

¹⁴ Հմմտ. J. Labourt, Le Christianisme dans l'Empire Perse sous la dynastie Sassanide (224—632), Paris, 1904, p. 136.

¹⁵ Ե. Դուրյան, Ուսումնասիրությունք և քննադատությունք, Երուսաղեմ, 1935, էջ 37—46, Վ. Հացունի, Խորհրդածությունք Եղիշեի պատմական վերա, Վենետիկ, 1896, էջ 159—170 և 195—214, Բ. Կյուլևսկայան, Եղիշե, Քննական ուսումնասիրություն, Վիեննա, 1909, էջ 117, 125—133, Եղիշե, Վարդանաց պատմությունը (Թորգմ., առաջարանը և ծանոթութ. Ե. Տեր-Մինասյանի, Երևան, 1946, ներածականը (էջ 12—14), Ստ. Մալխասյանց, Մատենադարանական դիտողություններ, Երևան, 1961, էջ 212—213:

Թովմա Արծրունու մոտ կեղծված են նաև ուրիշ անուններ (Քրիստա Դոր կաթողիկոսը ժամանակակից է համարւում Բարձրումային, Մշկանը և Վնդոն հանդես են բերւում որպէս մարզպաններ, Հաղկերտ Բ-ը շփոթվում է Պերողի հետ և այլն)։

Որոշ հետադոտողներ Վահան Արծրունուն համարում են պատմական անձնավորութիւն¹⁶։

Արշակունյաց թաղավորութեան վերացումից հետո նդիշեի արտահայտութեամբ ռի նախարարան հայոց անկանէր թագաւորութիւնն»։ Հայոց նույն նախարարների մեղքով էր նաև, որ վերացավ Արշակունյաց թագաւորութիւնը։ Անշուշտ դրա պատճառները բխում են նախարարական կարգի բուն էութիւնից, որին ներհատուկ էին ցրվածութիւնը, կոտորակվածութիւնը և դրա հետ դիրկրնդիստոն դրուկուրով ավատիշխանների տարանջատ հակումների տարբերութիւն։ Այսօրինակ հակումներին մեծապէս տուրք էին տալիս Արծրունիները։ Վահանի առասպելը դրա ապացուցներից է։

Ինչո՞վ բացատրել Վահան Արծրունու մասին Թովմա Արծրունու արած մատենագրական կեղծիքը։ Դա ամենից առաջ պետք է բացատրել պատմիչի ապրած դարաշրջանի քաղաքական պահանջներով։ Հայտնի է, որ Թովմա Արծրունին իր պատմութիւնը գրել է Արծրունի իշխանների (Դերենիկի, ապա Գաղիկի) հրամանով¹⁷։ Անշուշտ, որպէս տոհմասեր պատմիչ, նա այն դրել է կողմնակալութեամբ։ Մատենագիրը միտվել է հնարած փաստերով պատմական և բարոյական արդարացում տալու IX—X դարերում Արծրունիների կենտրոնախոյս նկրտումներին, Հայոց թագաւոր դառնալու նրանց հավակնութեանը։ Ուստի Թովմա Արծրունին հարազատ տոհմից թագաւորացունք է հնարել հայոց պատմութեան բախտորոշ ու հեռավոր անցյալում։ Վահանի առասպելի նպատակն էր Արծրունիների դրվատումը¹⁸։ Այնուհանդերձ պատմիչը Վահան Արծրունուն ստորադասել է Վարդան Մամիկոնյանին։ Սա պետք է բացատրել Թովմա Արծրունու եկեղեցական աշխարհըմբռնմամբ, որի համար եկեղեցու շահերը վեր են ամեն ինչից։ Ուստի, հավատի համար նահատակված, եկեղեցու կողմից սրբացված Վարդանին պատմիչը նախամեծար է համարում Վահանից։

Մյուս կողմից, նշանակութիւն ունի նաև այն հանգամանքը, որ պատմիչի ապրած դարաշրջանում Մամիկոնյան տոհմը դուրս էր վանվել քաղաքական ասպարեղից և, հետևաբար, անցյալը չէր կարող շահարկել այդ տոհմի կողմից։ Քաղաքական ասպարեղում եղող Բագրատունիները, որ մի ժամանակ Մամիկոնյանների երդվյալ մրցակիցներն էին, այժմ բախվում էին Արծրունի-

16 Մ. Չամչյան, Պատմութիւն հայոց, հ. Բ, Վենետիկ, 1785, էջ 73—76, Հ. Հարությունյան, Վարդանանց պատերազմը, Երևան, 1946, էջ 143—144 և այլն։ Վ. Նալբանդյանի կարծիքով, Սվարալի ճակատամարտի նախօրյակին զրված է եղել հայոց թագաւորութեան վերականգնման հարցը։ Ի շարք այլ կովանների, Վ. Նալբանդյանը վկայաբերում է նաև Վահան Արծրունու մասին Թովմա Արծրունու հաղորդումը (տե՛ս Վ. Նալբանդյան, 461 թ. սղատագրական շարժման հետ կապված մի հարցի շուրջը, ԳԱ «Տեղեկագիր», № 12, 1953)։ Նույն կարծիքին է նաև Ա. Հովհաննիսյանը (տե՛ս Ա. Հովհաննիսյան, նշվ. աշխ., էջ 97—99)։

17 Թովմա Արծրունի, էջ 22, 134,

18 Հմտ. M. Brosset, Notice sur l'histoire Armenten Thoma Ardroun X-es. (Melanges Asiatiques, tome IV, St-Petersbourg, 1862, p. 698).

ների հետ: Արծրունի պատմիչը անցյալը շահարկում է յուրովի: Արծրունյաց երբեմնի ազգականներ Մամիկոնյաններին հիշատակելը սատարելու էր Բագրատունիների դեմ Արծրունիների մղած մրցապայքարին:

Կարևոր է նաև այն հանգամանքը, որ Թովմա Արծրունին մեծապես ազդվել է Եղիշեից: Դիտելի է, որ Եղիշեն հետագա մատենագիրներից առաջինը հիշում է Թովմա Արծրունին, նրան համարելով իր ուսուցիչը: Եղիշեն Ավարայրի դաշտ եկած նախարարների մեջ առաջին տեղում հիշատակում է Ներշապուհ Արծրունուն: Իսկ Ավարայրի նահատակների մասին գրելիս պատմիչը հիշատակում է նաև՝ «յարքունի տանէն եւ ի տանէն Արծրունէաց և յիրաքանչիւր լալոց նախարարաց տանէն...»¹⁹, Արծրունիներին գնելով Արշակունիներից անմիջապես հետո, մի պարագա, որը չէր կարող չգրավել Թովմա Արծրունու ուշադրությունը: Մանավանդ, որ Ավարայրի ճակատամարտում Արծրունիների գործոն մասնակցությունն աներկբա էր: Թե՛ Եղիշեն և թե՛ Փարպեցին վկայում են, որ Ավարայրի մարտում հայոց զորասյուններից մեկը գլխավորում էր Ներշապուհ Արծրունին, նիզակակից ունենալով Մոկաց իշխանին (Եղիշի մոտ՝ առաջին, Փարպեցու մոտ՝ կենտրոնի գունդը): Նույն պատմիչների հաղորդածից երևում է, որ Ավարայրի մարտադաշտ հասած Արծրունի նախարարներ Ներշապուհը և Ապրսամը շեն զոհվել մարտում, բայց, ինչպես տեսանք, Եղիշեն Ավարայրում զոհվածների թվում հիշում է նաև Արծրունիներին: Անհիմն է այն պնդումը, թե Արծրունիների գլխավորած զորագունդը կամ չի մասնակցել Ավարայրի ճակատամարտին, կամ էլ փախուստի է դիմել մարտն սկսվելուց հետո²⁰: Ծիշտ է, Ավարայրում հայոց զորքի մի մասը հակված չէր կուրկու թշնամու դեմ և ակամայից էր մարտադաշտ եկել²¹, ուստի մարտի թև պահին կորցնելով հաղթանակի նկատմամբ հավատար, լքեց մարտադաշտը, ապավինելով մոտակա լեռներին ու կիրճերին²²: Բայց սա հիմք չի տալիս պնդելու, թե Ավարայրի ճակատամարտից առաջ Արծրունիները թողել են մարտադաշտը: Որ այդպես չի եղել, երևում է ճակատամարտից հետո Արծրունյաց հանդիպ պարսից արքունիքի ունեցած բացասական մոտենցումից: Կարող է աչքի զարնրվել նաև այն հանգամանքը, որ Արծրունի հոգևորականներ հակառակ հանդիմանք չեն հիշատակվում Ավարայրի մարտին մասնակցողների մեջ: Սա ևս հիմք չի կարող լինել Արծրունիներին դատաւիեծելու համար, քանի որ ընդհանրապես (բացառյալ Հովսեփ կաթողիկոսից և Ռշտունյաց Սահակ կաթողիկոսից) Արտաշատի ժողովին մասնակցած հոգևորականներից ոչ ոք չի հիշվում Ավարայրի ճակատամարտի մասնակիցների շարքերում, թեև նրանց մասնակցությունն աներկբա է, ինչի մասին վկայում են թե՛ Եղիշեն, թե՛ Փարպեցին: Ուշագրավ է նաև այն, որ ապստամբությունից հետո Արտաշատի ժողովին մասնակցած 18 եպիսկոպոսներից միայն չորսին կապանքների մեջ դրած տարուն Պարսկաստան, որտեղ և նրանք նահատակվեցին (Հովսեփ կաթողիկոս, Մուշի Արծրունի, Սահակ Ռշտունի և Թաթիկ Բասենայի): Ինչպես տեսնում ենք, չորսից մեկն Արծրունի էր: Ապար աշխարհում նահատակված նախարարների մեջ

¹⁹ Եղիշե, էջ 120.

²⁰ Տե՛ս Վ. Մ. Արմեն, Մարզպանը և սպարապետը, Լոս Անջելոս, 1952, էջ 243:

²¹ Ղազար Փարպեցի, էջ 153: Հմմտ. Ա. Մ. Գարադաշյան, Քննական պատմություն հայոց, մասն Գ, Թիֆլիս, 1895, էջ 142:

²² С. Т. Еремян, Народно-освободительная война армян против персов в 450--451 гг. («ВДН», № 4, 1951, стр. 58).

են՝ ներշնչուի, Մեհրութան, Շափապ, Շնգին, Պարգև և Տաճատ Արժրունիները՝ Վասպուրականի ժողովուրդը (Հալոց ձոր, Նախիչևանի գավառ և այլն) սիրով պաշտպանեց Ավարալի նահատակների հիշատակը²³։

УЧАСТИЕ АРЦРУНИДОВ В ОСВОБОДИТЕЛЬНОЙ ВОИНЕ 450—451 ГГ.

В. М. ВАРДАНЯН

Р е з ю м е

В освободительном движении 450—451 гг. нахарарский род Арцрунидов играл выдающуюся роль после Мамиконянов, и активно содействовал Вардану Мамиконяну. Участие Арцрунидов в освободительной войне было обусловлено тем, что они соперничали с Скуникскими и Багратидскими князьями, являвшимися противниками восстания. Кроме этого, Арцруниды имели влиятельных представителей среди духовенства. Цель Арцрунидов, как и остальных нахараров, состояла в том, чтобы сохранить имевшуюся внутреннюю самостоятельность, нахарарский строй, христианскую религию. Неправдоподобно сообщение Товмы Арцруни о Ваане Арцруни, которого якобы нахарары хотели провозгласить царем Армении. Арцруниды активно участвовали во всех этапах движения: в Арташатском соборе, в Аварайрском сражении и т. д. За это они были наказаны Сасанидским двором.

²³ Եղիշե, էջ 193, Ղազար Փարպեցի. էջ 165։

²⁴ Տե՛ս Ա. Ղանալանյան, Ավանդապատում, Երևան, 1969, էջ 168, 248 և այլն։